



TOSHKENT DAVLAT YURIDIK UNIVERSITETI REKTORINING B U Y R U G ' I

25.10.2022

325-um-son

Talabalar ijtimoiy sharoitini yaxshilash va turar joy bilan ta'minlash ishlarini tizimli tashkil etish to'g'risida

O'zbekiston Respublikasi Vazirlar Mahkamasida 2022-yil 20-sentabr kuni Talabalar ijtimoiy sharoitini yaxshilash va turar joy bilan ta'minlash bo'yicha o'tkazilgan 223-son yig'ilish bayoni (01-07/1-903-son 28.09.2022-yil)da belgilangan vazifalar ijrosini ta'minlash, chekka hududlardan kelib ta'lim olayotgan talabalarning ijtimoiy sharoitlarini yaxshilash hamda ularni turar joy bilan ta'minlash ishlarini tizimli tashkil etish maqsadida

BUYURAMAN:

1. O'zbekiston Respublikasi Vazirlar Mahkamasida 2022-yil 20-sentabr kuni o'tkazilgan 223-son yig'ilish bayoni (01-07/1-903-son 28.09.2022-yil) ma'lumot uchun qabul qilinsin.

2. Bayon bilan quyidagilar:

Qoraqalpog'iston Respublikasi Vazirlar Kengashi, viloyatlar va Toshkent shahar hokimliklari 2022-yilning 5-noyabriga qadar oliy ta'lim muassasalarida davlat-xususiy sheriklik shartlari asosida talabalar turar joylarini barpo etish uchun ularga yaqin hududdan doimiy foydalanish huquqi asosida yer maydonlarini ajratishi belgilanganligi;

Vazirlar Mahkamasining 2021-yil 24-sentabrdagi 605-son qaroriga tegishli o'zgartirish kiritish yuzasidan hukumat qarori loyihasini tayyorlash belgilanganligi;

Talabalar safiga qabul qilingan va talabalar turar joyi bilan qamrab olinmagan uzoq hududlardan kelgan birinchi kurs talabalariga istisno tariqasida, oliy ta'lim muassasalariga ajratilgan mablag'lar doirasida sentabr va oktabr oylari uchun ijara shartnomasi talab etmasdan ijara kompensatsiyasi to'lab berilishi va ijara shartnomasini taqdim etgan talabalarga talabalarga noyabr oyidan to'lovlar davom ettirilishi belgilanganligi inobatga olinsin.

3. Toshkent davlat yuridik universiteti talabalar safiga qabul qilingan va talabalar turar joyi bilan qamrab olinmagan uzoq hududlardan kelgan birinchi

kurs talabalariga istisno tariqasida sentabr va oktabr oylari uchun ijara shartnomasi talab etmasdan ijara kompensatsiyasi to'lab berilishi bilan bog'liq jarayonlar belgilangan tartib asosida amalga oshirilsin.

4. Prorektorlar A.Xashimhonov hamda A.Iminov:

birinchi kurs talabalariga istisno tariqasida sentabr va oktabr oylari uchun ijara shartnomasi talab etmasdan ijara kompensatsiyasi to'lab berilishi bilan bog'liq masalalarni belgilangan tartib asosida amalga oshirilishini nazoratga olsin;

murojaat qilgan talabalarning hujjatlarini ko'rib chiqish va tavsiya etish bilan bog'liq masalalarni universitet rektorining 2021-yil 30-sentabrdagi 08-271-son buyrug'i bilan tasdiqlangan Ijara huquqi asosida yashayotgan talabalar tomonidan to'lanadigan ijara to'lovlarini qoplab berishga tavsiya etish bo'yicha komissiya tarkibida ko'rib chiqilishini ta'minlasin;

talabalarga turar joyga bo'lgan ehtiyoj yuzasidan ularga qo'shimcha turar joy binolarini qurish, ijara olish yoki vaqtincha foydalanishga olish bo'yicha takliflar tayyorlasin.

5. Ma'naviyat va ma'rifat markazi (Sh.Po'lotov) hamda fakultet dekanlari:

tyutorlar orqali uzoq hududlardan kelib tahsil oladigan ijara xonadonlarda hamda Talabalar turar joylarida istiqomat qiladigan talabalar holidan doimiy xabar olish ishlarini tizimli tashkil etish choralarini ko'rsin;

2022-yilning 1-noyabr sanasiga qadar ijara xonadonlarida istiqomat qiladigan talabalarning yashash sharoitlarini to'liq o'rganib, ularning yashash sharoitlarini xonadonlarning ahvoli bo'yicha shartli ravishda yashil, sariq va qizil hududlar toifalariga bo'lish, qizil toifadagi xonadonlarda istiqomat qilayotgan talabalarni Talabalar turar joylari (shu jumladan Toshkent Index majmuasi)ga yoki yashash sharoiti yaxshi bo'lgan boshqa xonadonlarga ko'chirish choralarini ko'rsin.

Bu borada Yoshlar ishlari agentligining xususiy ko'chmas mulk sayti uybor.uz elektron platformasi bilan yaqindan hamkorlikda ish olib borilsin.

Shuningdek, Toshkent Index savdo majmuasiga talabalarni joylashtirib bo'lgach qolgan birinchi kurs talabalariga istisno tariqasida sentabr va oktabr oylari uchun ijara shartnomasi talab etmasdan ijara kompensatsiyasi to'lab berilishi bilan bog'liq masalalar belgilangan tartib asosida amalga oshirilishi nazarda tutilsin.

6. O'zbekiston yoshlar ittifoqi boshlang'ich tashkiloti hamda Talabalar assotsiatsiyasining Index savdo majmuasiga joylashtirilgan talabalarga yo'l chiptalarini universitet hisobidan xarid qilib topshirish bo'yicha bildirgan takliflariga rozilik berilsin.

7. Yo'l chiptalarini xarid qilish uchun talabalarning sharoitini hamda ehtiyojini o'rgangan holda Yoshlar masalalari va ma'naviy-ma'rifiy ishlar bo'yicha birinchi prorektor bildirgi taqdim etishi belgilab o'tilsin.

8. Prorektor A.Xashimhonov;

fakultet dekanlari tomonidan ikki kun muddatda Index savdo majmuasida joylashtirilgan talabalarning sharoitlarini o'rganib, ularning orasidan yo'l chiptalarini olishga ehtiyoji bo'lganlarini aniqlash hamda ularning ma'lumotlarini buxgalteriyaga taqdim etilishini nazoratga olsin;

ijara xonadonlarida hamda Talabalar turar joylarida istiqomat qiladigan talabalar orasida ijtimoiy himoyaga muhtoj bo'lganlarini aniqlab, ularga moddiy yordam ajratish, zarur oziq-ovqat mahsulotlari, kiyim bosh va boshqa ashyolarni taqdim etish chorlarini ko'rsin.

Bu borada Talabalarni rag'batlantirish jamg'armasi mablag'laridan belgilangan tartibda foydalanish, universitetda faoliyat yuritayotgan "Mehrli yurak" xayriya loyihasi doirasida turli xayriya aksiyalarini o'tkazish hamda homiylarni keng jalb qilish chora-tadbirlarini ko'rsin.

9. Buxgalteriya (M.Parpiyev) hamda Ma'naviyat va ma'rifat markazi (Sh.Po'lotov):

uch kun muddatda Index savdo majmuasiga joylashtirilgan talabalar uchun yo'l chiptalarini universitet hisobidan xarid qilib, ularni fakultet dekanlari bilan birgalikda belgilangan tartibda talabalarga taqdim etish choralarini ko'rsin;

yo'l chiptalarini xarid qilish bo'yicha sarflangan mablag'larni universitetning byudjetdan tashqari mablag'lari hisobidan qoplash choralarini ko'rsin.

10. Devonxona (X.Abdullayev) ushbu buyruqni barcha mas'ul tarkibiy bo'linmalarga yetkazish choralarini ko'rsin.

11. Mazkur buyruq ijrosi nazoratini prorektorlar A.Xashimhonov hamda A.Iminovlar zimmasiga yuklatilsin.

Rektor



A.TASHKULOV

Toshkent shahar

Kiritildi:

Direktor

SH.PO‘LOTOV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Bosh buxgalter

M.PARPIYEV



Moliya-iqtisod ishlar bo‘yicha
prorektor

A.IMINOV



yuriskonsult

D.ALIBOYEV



Devonxona mudiri

X.ABDULLAYEV



Buyruq bilan tanishdim

SH.PO‘LOTOV

